



# Laerskool Dagbreek

GAUTENG DEPARTEMENT VAN ONDERWYS

Privaatsak X2038  
OBERHOLZER  
2502

Tel.: (018) 787 4171  
Faks: (018) 787 4172

Webtuiste adres:  
www.laerskooldagbreek.co.za

**OMSENDBRIEF 6/2018**

**21 Februarie 2018**

Geagte Ouers

**6 Maart 2018** moet u asseblief oophou vir ons baie belangrike Beheerliggaam-verkiesing. Die Beheerliggaam word elke 3 jaar verkies en speel 'n baie belangrike rol by die skool.

Die Beheerliggaam van Laerskool Dagbreek word saamgestel in terme van die Suid-Afrikaanse Skolewet, Wet 84 van 1996. Behoudens die bepalinge van die Wet verrig die beheerliggaam die werksaamhede **wat binne sy bevoegdheid val** en wat nodig is vir die welsyn van die skool.

Die beheerliggaam se verantwoordelikheid onder die SA-Skolewet is die beheer oor die skool se **finansies, terrein en bates**.

Die beheerliggaam moet:

- 'n Grondwet aanvaar;
- die missiestelling van die skool ontwikkel en onderhou;
- 'n gedragskode vir leerders by die skool aanvaar;
- die hoof, opvoeders en ander personeel van die skool in die verrigting van hul professionele werksaamhede ondersteun;
- die tye van die skooldag bepaal in ooreenstemming met enige toepaslike diensvoorwaardes van personeel by die skool;
- die skool se eiendom, asook die geboue en terrein deur die skool beset, administreer;
- die aanstelling van opvoeders en administratiewe personeel by die skool by die Departementshoof aanbeveel.

'n Lid van die beheerliggaam moet onder andere:

- nie insolvent verklaar wees nie
- moet kennis dra van alle wettlike aspekte rondom die Suid-Afrikaanse skolewet
- moet finansiële bestuur agtergrond hê – verkieslik 'n kundige met die nodige opleiding
- moet kontraktuele aangeleenthede kan bestuur en oor die kennis beskik rondom Arbeidswette
- moet bereid wees om alle opleidings en vergaderings by te woon

admin@dagbreek.co.za

Laerskool Dagbreek se Beheerliggaam bestaan uit 6 verkose ouers, die hoof, 3 onderwysvertegenwoordigers en 1 administratiewe verteenwoordiger. Die lede word verkies vir 'n dienstydsperk van 3 jaar. Die Beheerliggaam vergader ten minste een maal per maand.

Laerskool Dagbreek se Beheerliggaam het die afgelope jare bewys dat hulle 'n dinamiese span is wat Laerskool Dagbreek jaar na jaar tot groot hoogtes lei.

Hoop om u almal die 6e Maart om 18:00 by die skool te sien.

Vriendelike groete

Mnr. P.W. van Heerden  
Hoof

**Skeurstrokie (Omsendbrief 6/2018)**

**Vul asseblief die skeurstrokie in en stuur na u kind se voogonderwyser.**

Hiermee erken ek \_\_\_\_\_ ouer/voog van \_\_\_\_\_  
ontvangs van Omsendbrief 6/2018.

Handtekening van ouer / voog

Datum